



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Na osnovu člana 13. Zakona o zdravstvenoj zaštiti FBiH („Službene novine FBiH“, br. 46/10 i 75/13), člana 70. stav (1) i (2) Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), člana 14. Zakona o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“, broj 2/12 – Prečišćeni tekst, 41/12, 8/15 i 13/17), i člana 22. stav (2) Zakona o izvršavanju Budžeta Kantona Sarajevo („Službene novine Kantona Sarajevo“, broj 5/22), Ministar zdravstva Kantona Sarajevo,
d o n o s i

ODLUKU
O POSTUPKU ZA DODJELU NOVČANIH SREDSTAVA
za sufinansiranje organiziranja naučnih skupova iz oblasti zdravstva na području Kantona Sarajevo u 2022. godini

Član 1.

(Osnovna odredba)

Ovom Odlukom uređuju se pitanja koja se odnose na postupak dodjele sredstava za sufinansiranje organiziranja naučnih skupova iz oblasti zdravstva na području Kantona Sarajevo u 2022. godini.

Član 2.

(Korisnici)

Korisnici prava, u smislu odredbi ove Odluke su pravna lica registrovana za obavljanje naučno istraživačke djelatnosti na nivou vlasti u Kantonu Sarajevo, FBiH i BiH, koji imaju sjedište na području Kantona Sarajevo, koji su obezbijedili najmanje 20% novčanih sredstava potrebnih za organizaciju naučnog skupa shodno finansijskom planu i koji naučni skup organizuju na području Kantona Sarajevo u 2022. godini.

Član 3.

(Kriteriji za dodjelu sredstava)

1. VRSTA NAUČNOG SKUPA

- kongres 5 bodova,
- simpozijum 4 boda,
- okrugli sto 3 boda,
- kontinuirana edukacija 2 boda,
- ostalo 1 bod).

2. BROJ UČESNIKA NA NAUČNOM SKUPU

- preko 201 učesnika - 5 bodova,
- 151-200 učesnika - 4 boda,
- 101-150 učesnika - 3 boda,
- 51- 100 učesnika – 2 boda,
- do 50 učesnika 1 bod).



3. TRAJANJE NAUČNOG SKUPA

- više od 3 dana – 3 boda,
- 2 dana – 2 boda,
- 1 dan – 1 bod.

4. MEĐUNARODNO UČEŠĆE RADOVI

- naučni skupovi sa međunarodnim učešćem – 4 boda,
- učešće na naučnom skupu bez međunarodnog učešća 1- 1 bod.

5. RASPON BODOVA

- 1-4,5 = 500 KM,
- 4,6 – 9,0 = 750 KM,
- 9,01-13,0 = 1000 KM,
- 13,01-17 = 1500 KM.

Član 4.

(Raspodjela sredstava)

Ministarstvo zdravstva Kantona Sarajevo nakon usvajanja budžeta za tekuću godinu, vrši raspodjelu sredstava za organiziranja naučnih skupova iz oblasti zdravstva na području Kantona Sarajevo u 2022. godini.

Član 5.

(Zahtjev za dodjelu sredstava)

Pravna lica registrovana za obavljanje naučno istraživačke djelatnosti na nivou vlasti u Kantonu Sarajevo, FBiH i BiH, koji imaju sjedište na području Kantona Sarajevo, koji su obezbijedili najmanje 20% novčanih sredstava potrebnih za organizaciju naučnog skupa shodno finansijskom planu i koji naučni skup organizuju na području Kantona Sarajevo u 2022. godini, dostavljaju Ministarstvu zdravstva Kantona Sarajevo zahtjev za dodjelu sredstava sa dokazima iz kojih se vidi ispunjenost kriterija utvrđenim ovom Odlukom.

Član 6.

(Dokumentacija)

Uz zahtjev se prilaže dokumentacija kako slijedi:

- Prijavni obrazac,
- Rješenje o registraciji pravnog lica (fotokopija ovjerena od strane nadležne općinske službe),
- Rješenje o poreznoj registraciji - ID broj (fotokopija ovjerena od strane nadležne općinske službe),
- Podatci o naučnom skupu: naziv, mjesto i datum održavanja, broj učesnika, trajanje naučnog skupa, uz obrazloženje,
- Finansijski plan sa potpunom specifikacijom troškova za organizaciju naučnog skupa (potpisan od strane rukovodioca pravnog lica i ovjeren pečatom pravnog lica),
- Dokaz/izjava odgovornog lica za zastupanje u pravnom prometu (rukovodioca pravnog lica) da je osigurano najmanje 20% novčanih sredstava potrebnih za organizaciju naučnog skupa shodno finansijskom planu (potpisan/a od strane rukovodioca pravnog lica i ovjeren/a pečatom pravnog lica).

Član 7.

(Zaključivanje ugovora)

Sa Pravnim licima iz člana 2. u vezi sa članom 5. ove Odluke, kojima budu odobrena sredstva, Ministarstvo zdravstva Kantona Sarajevo će zaključiti ugovore, u kojima će se regulisati međusobna prava i obaveze.



Član 8.

(Doznačavanje sredstava)

Doznačavanje odobrenih sredstava vrši se nakon zaključenja ugovora, u skladu sa operativnim planovima i raspoloživim sredstvima u Budžetu Kantona Sarajevo.

Član 9.

(Izveštaj o namjenskom utrošku sredstava)

Korisnici sredstava dužni su dostaviti izvještaj o namjenskom utrošku sredstava doznačenih iz Budžeta Kantona Sarajevo, u roku od 15 dana od dana realizacije aktivnosti sa odgovarajućom dokumentacijom, a najkasnije do 31.01. naredne budžetske godine.

Član 10.

(Nadzor nad utroškom sredstava)

Nadzor nad realizacijom odobrenog sufinansiranja organiziranja naučnih skupova iz oblasti zdravstva na području Kantona Sarajevo u 2022. godini, i utroškom sredstava provodi Ministarstvo zdravstva i Ministarstvo finansija Kantona Sarajevo putem budžetske inspekcije Kantona Sarajevo, po zahtjevu Ministarstva ili u okviru redovnih inspeksijskih nadzora nad utroškom budžetskih sredstava.

Član 11.

(Stupanje na snagu)

Odluka stupa na snagu danom donošenja.

Broj: 10-33-1318-1.2/22
Sarajevo, 08.04.2022.godine



